

後

漢

書

疏

證

後漢書疏證卷十三

吳 沈欽韓撰

郡國

河南尹

晉書地理志魏氏受禪卽都漢宮司隸所部河南河東  
河內并冀州之平陽合五郡置司州又謂泰始二年分  
河南置滎陽郡按魏志注魚豢魏畧云李勝累遷滎陽  
太守河南尹水經注魏正始三年歲在甲子被癸丑詔  
書割河南郡縣自鞏闕以東創建滎陽郡并戶二萬五  
千以南鄉

郡分南陽立

筑陽亭侯李勝字公昭爲郡守晉志

非也按魏志孫禮傳稍遷禁陽都尉是禁陽先置都尉因之置郡今錄其可考者魏時郡縣皆置典農官使家不著著于各條之下

雒陽

晉志洛陽置五部尉按漢官雒陽丞三人孝廉左右尉

二人魏志太祖紀舉孝廉除洛陽北部尉則五部尉乃

漢制通典洛陽古成周之地亦謂之周南金墉城在故

城西北角魏明帝築也

按魏志陳留王奐遜位改次金墉城迄西晉遂為帝后幽廢之

所晉五行志洛陽城東有豆田壁太安二年惠帝舍于

豆田是也水經注穀水逕洛陽小城北因阿舊城憑結

金墉城向城永嘉之亂結以為壘又建春門石橋首建

兩石柱橋之右柱銘云陽嘉四年乙酉壬申詔書以城  
下漕渠東通河濟南引江淮方貢委輸所由而至使中  
謁者魏郡清淵馬憲監作石梁橋柱故勅工匠盡要妙  
之巧攢立重石累高岡距橋工路博流通萬里云云穀  
水又東注鴻池陂百官志曰鴻池在洛陽東二十里丞  
一人二百石其水東左合七里澗晉後畧曰成都王穎  
使吳人陸機爲前鋒都督伐京師輕進爲洛軍所乘大  
敗于鹿苑人死塹中七里澗爲之滿卽其澗也澗有石  
梁卽旅人橋按通鑑永嘉二年王彌至洛陽詔以王衍  
都督征討諸軍事涼州都護北宮純募勇士百餘人突

陣彌兵大敗彌燒建春門而東衍遣左衛將軍王秉追之戰于七里澗又敗之又永嘉五年劉曜遷帝于平陽揚威將軍魏浚屯洛北石梁塢亦此地載記劉曜攻石生于金墉決千金竭以灌之魏志毋邱儉傳從羽林監出爲洛陽典農晉書司馬望傳洛陽典農中郎將

# 河南

水經注河南十二縣境簿曰河南縣城東十五里有千金竭洛陽記千金竭舊堰穀水魏時更修此竭積石爲竭兩開溝渠五所謂之五龍渠東首立一石人腹上刻勒云太和五年二月八日庚戌造築此竭蓋魏明帝修王張故績也按晉惠帝紀太安二年張方決千金碣水

碓皆涸乃發王公奴婢手春給兵廩通典河南府河南縣古郛地是爲王城有闕塞山俗曰龍門

梁

通典汝州梁縣戰國時謂之南梁以別大梁少梁卽左傳哀四年楚爲一窖之期襲梁及霍也有蠻中聚卽戎

蠻子國在今縣西南俗謂之麻城

卽漢蔡邕傳中所云霍陽聚按章懷注俗

謂之張侯城

又漢光武封姬常爲周承休公故城在今縣東

又有陽人聚故城在今縣西孫堅大破董卓軍之所元和志廣城澤在梁縣西四十里又臨汝縣本梁縣地按此梁是周之別邑非夏陽之梁也彪謂梁故國注引博

物記皆誤

## 滎陽

魏時爲郡元和志鄭州滎陽縣本漢縣又河南府河陰縣本漢滎陽縣地古大索城今滎陽縣理是也楚漢戰于京索間晉末滎陽人張卓董邁鳩集流散守固此城因名大柵塢今音訛呼爲大刺汴渠在河陰縣南二百五十步亦名荑蕩渠禹塞滎澤開渠以通淮泗後漢初河汴決壞永平中命王景修築自宋武北征之後復皆湮塞煬帝大業元年更令開導名通渠自洛陽西苑引穀洛水達于河自板渚引河入汴口又從大梁之東引

汴水入于泗達于淮自江都宮入于海亦謂之御河洶  
畔築御道樹之以柳煬帝巡幸乘龍舟而往江都又鄭  
州滎澤縣本滎陽縣地東廣武西廣武二城各立一山  
頭相去二百餘步在縣西二十里水經注濟水又東合  
滎瀆瀆首受河水有石門謂之爲滎口石門蓋故滎波  
所導門南際河有故碑云陽嘉三年二月丁丑使河堤  
謁者王誨疏達河川請以瀕河郡徒疏山采石壘以爲  
障功業旣就徭役用息滎瀆東南流注于濟今無水自  
西緣帶山隰秦漢以來亦有通否濟水與河渾濤東注  
晉太和中桓溫北伐將通之不果而還義熙十三年

當云



十二劉公西征又命寧朔將軍劉遵考仍此渠而漕之  
始有激湍東注而終山崩壅塞劉公于北十里更鑿故  
渠通之今則南濱通津川澗是導耳按晉書桓溫傳溫  
至枋頭先使袁真伐譙梁開石門以通運真討譙梁皆  
平而不能開石門軍糧竭盡焚舟步退自東燕出倉垣  
經陳留鑿井而飲郗超傳超曰清水入河無通運理若  
寇不戰運道又難因資無所實爲深慮此酈氏所云桓  
溫欲通之而不果也溫不用郗超之計果狼狽而返通  
鑑義熙十二年太尉裕伐秦遣建武將軍沈林子彭城  
內史劉遵考將水軍

沈約李延壽二史劉遵考傳出石  
俱云從武西征而已無此事

門自汴入河以冀州刺史王仲德督前鋒諸軍開鉅野  
入河此鄆氏仍漕滎瀆之事也水經注又云滎陽東二  
十里有故垂隴城世謂之都尉城蓋滎陽典農都尉治  
漢隸體滎陽陽字多假作滎劉寬碑陰門生名可以概  
見又按水經注謂禹塞滎澤開之以通淮泗指鴻溝爲  
禹迹通典諸書尙沿其誤  
近儒已詳辨之不復述

# 卷

通典卷縣故城在鄭州原武縣東寰宇記郡國縣道記  
云北齊天保七年省卷縣其故城在原武縣西北七里  
城周迴約十里又城西三十餘里有王宮城卽踐土所  
名也水經注河水東北逕卷之扈亭北又東逕入激隄

北漢安帝永初七年令謁者太山于岑于石門東積石  
入所皆如小山以捍衝波謂之入激堤又濟水篇濟水  
滎澤中北流至衡雍西與出河之濟會南去新鄭百里  
斯蓋滎播河濟往復逕通矣出河之濟卽陰溝之上源  
也濟隧絕焉故世亦或謂其故道爲十字溝字自于岑  
造入激堤于河陰水脈徑斷故瀆難尋

原武

地形志廣武郡原武縣有五馬淵白馬淵元和志鄭州

原武縣漢舊縣今縣理古陽城

寰宇記竹書紀年曰梁惠成王十五年遣將龍

賈築陽城以備秦卽此也

通典故城在今縣西晉書宗室傳河間平

王洪仕魏歷位典農中郎將原武太守則原武縣魏時  
經爲郡水經注李勝故爲原武典農校尉魏志于禁傳  
禁別將屯原武擊袁紹別營于杜氏津破之

### 陽武

寰宇記開封府陽武縣郡國縣道記云晉廢

按晉志滎陽郡有陽

武縣其廢當在永嘉後

唐武德四年于漢原武故城復置陽武縣

卽今理也其陽武故城在縣東南二十八里水經注渠

水逕陽武右合五池溝溝下流注渠謂之五池口魏嘉

平三年司馬懿帥中軍討太尉王陵于壽春自彼而還

帝使侍中韋誕勞軍于五池者也

按此見晉書宣帝紀魏志建安

五年公還軍官渡紹進保陽武連營稍前依沙埵爲屯東西數十里公亦分營與合當合戰不利紹復進臨官渡起土山地道公亦于內作之以相應按前志河南郡有故市縣許攸說曹操云袁氏輜重萬餘乘在故市烏巢後漢當以故市并入陽武陽武與陳留之酸棗相接故市烏巢得相連也水經注濟瀆又東逕陽武縣故城北又逕酸棗縣之烏巢澤澤北有故市亭渠水又東不家溝水注之北入圃田澤分爲二水一水逕東武強城北曹參擊羽嬰于昆陽追至葉還攻武強薛瓚云武強城在武陽縣卽斯城也

徐晃傳與史渙擊表袁紹運車于故市功最多

中牟

地形志中牟縣有管城寰宇記開封府中牟縣按郡國縣道記云春秋所說中牟在趙地非此也按左傳定九晉車千乘在中牟杜預曰今滎陽中牟縣迴遠疑非也班志則云趙獻侯自耿徙此按史記趙世家獻侯治中牟集解瓚曰中牟在春秋之時是鄭之疆內也及三卿分晉則在魏邦趙界自漳水以北不及此春秋曰衛侯如晉過中牟中牟非衛適晉之次汲郡古文曰齊帥伐趙東鄙圍中牟此中牟不在趙東也按中牟當在漯水之北

此漯字疑當爲漳字酈道元因誤字之訛遂斥爲空指無據

按管子云築五鹿

中牟鄴以衛諸夏其文與五鹿鄴相連則同在河北漳

水之東非河南鄭之中牟甚明方輿紀要中牟城在湯陰縣西五十里此趙中

牟魏志太祖避董卓間行東歸出關過中牟爲亭長所

疑執詣縣或竊識之爲請得解水經注官渡在中牟有

高臺謂之官渡臺役水東北逕中牟澤鄭太叔攻萑蒲

之盜于是澤北屈注渠續述征記所謂自醬魁城到酢

溝十里者也圃田澤多麻黃草故述征記曰踐縣境便

覩斯卉窮則知踰界澤在縣西西限長城東極官渡北

佩渠水東西四十許里南北二十許里

開封

寰宇記開封故城今在縣西十五里鄭莊公所築通典  
漢開封故縣在汴州浚儀縣南元和志蓬澤在縣東北  
十四里今號蓬池左氏所謂蓬澤也按正義土地名宋  
都睢陽去開封四百餘里非輕行可到蓋于宋都之旁  
別有近地名蓬澤臣瓚以爲浚儀逢陂忌澤按紀年惠  
王二十三年秦孝公會諸侯于逢澤此臣瓚所指之逢  
澤也水經注睢水于睢陽城之陽積而爲逢洪陂則所  
謂逢澤應在睢陽浚儀與開封相去無幾耳

## 平陰

水經注平陰縣在平城之南故曰平陰三老董公說高



祖處陸機所謂皤皤董叟謨我平陰魏文帝改曰平陰

州郡志言魏立河陰郡者未審也

通典平陰故城在今洛陽縣北五十

里寰宇記河南府河清縣漢爲平陰縣故城在縣東南

三十五里柏厓城在縣西三里臨黃河侯景所築晉書

傅祗傳大將軍苟晞表請遷都使祗出詣河陰修理舟

楫爲水行之備及洛陽陷沒遂共建行臺祗自屯盟津

小城通鑑永嘉五年洛陽飢困人相食度支校尉魏浚

率流民數百家保河陰之硤石時劫掠得穀麥獻之帝

以爲揚威將軍平陽太守按河陰城臨黃河是河岸之

硤石胡三省以爲在新安者非

元和志陝州硤石縣理硤石塢卽此是

苑陵

寰宇記苑陵故城在鄭州新鄭縣東北三十里晉末省

後魏于故城東北改置茂陵縣

按地理志廣武郡苑陵縣有苑陵城是也又

云廢苑陵縣城在開封府尉氏縣南四十八里唐武德四年安撫使任瓌于尉氏縣界所置至貞觀元年廢按漢隸體苑陵多省作宛陵劉寬碑陰門生作宛陵是也

穀城

晉志無穀城應是并入新安水經注城西臨穀水故縣取名彪志謂函谷關在此按前書武紀元鼎三年從函谷關于新安郭緣生述征記新安縣漢之函谷關也今

猶謂之新關此關至魏正始元年廢通典魏明帝景初  
元年河南尹盧延上言成皋函谷二里六十步宜郤函  
谷關于崤下宏農太守杜如議以東徙潼關著郡下省  
函谷關徙荊關盧氏縣下正始元年弘農太守孟康上  
言移函谷關再號大崤關又爲金關地理志云此關正  
始元年廢也元和函谷故關在河南府新安縣東一里  
秦函谷關在今陝州靈臺縣西南十二里潼關在今華  
州華陰東北三十九里謹按秦故關今大路在北本非  
鈴束之要新安故關郵傳所馳出于南路謂回谿坂至獻帝  
初平二年董卓脅帝西幸長安出函谷關自此以前其

關並在新安至建安十六年曹操破馬超于潼關

潼關始見

則是中間徙于今所按如上所說言此關頗詳然函谷設而潼關著終不明了杜君卿所謂國之巨防不爲細事史官闕載斯亦失之者也至穀城之函谷關後人未及之攷靈帝紀中平元年置八關都尉官水經注置函谷廣成伊闕大如轅轅旋門小平津孟津等八關都尉官治關城函谷爲之首又云穀水逕函谷關又逕函谷關城又東逕穀城南此則關在新安關城在穀城縣也前書文穎注曰今函谷關移東在穀城文穎是漢末人此則彪志之一證也

緱氏

元和志河南府緱氏縣因山爲名袁術固一名袁公塢  
在縣西南十五里鉤鑣故壘在縣東北七里宋書司馬  
休之從宋公西征營于柏谷塢西卽此壘相連如鎖因  
以爲名

按宋書當云司馬毛修之若司馬休之則  
已于義熙十一年奔秦此校刊者之誤

水經

注延壽城緱氏縣治洛水東逕百谷塢北戴延之曰塢  
在川南因高爲塢高十餘丈劉武王西入長安舟師所  
保也按通鑑義熙十二年晉兵追至成臯秦征南陳留  
公洸鎮洛陽遣使求救于長安寧朔將軍趙玄言于洸  
曰宜攝諸戎之兵固守金墉以待西師之救金墉不下

晉必不敢越我而西司馬姚禹陰與檀道濟通嫉立乃遣立將兵千餘南守柏谷塢毛德祖與立戰于柏谷立兵敗死輟輟山在縣東南四十六里通鑑永嘉二年王彌入自輟輟敗官軍于伊北三年王彌南出輟輟四年劉粲出輟輟掠梁陳汝潁

## 鞏

九域志河南鞏縣有洛口元和志大業十三年李密自潁川率羣盜十餘萬襲破洛口倉因據鞏縣仍築城斷洛川包南北山周迴三十餘里屯營其中後爲王世充所破縣不與成皋中分洛水西則鞏縣東則成皋水經注河水于此有五社渡爲五社津朱鮪遣彊從五社津

成罕

攻溫是也洛水東逕洛汭北對琅邪渚入河謂之洛口  
張儀說秦王下兵三川塞什谷之口卽此縣北有山謂之嶽原正其  
下有穴謂之鞏穴直穴有渚謂之鮪渚通鑑永和九年故魏降將周成反襲洛陽河南太守戴施奔鮪渚

元和志河南府汜水縣漢之成皋縣一名虎牢宋武帝  
北平關洛置司州刺史理虎牢魏使奚斤攻宋刺史毛  
德祖經二十日不克城中傷者無血知其乏水潛作地  
道其穴猶存板渚在縣東北三十五里初竇建德眾數  
十萬自于板渚結陣南屬鵲山以臨汜水太宗率輕騎  
擊之賊眾大潰建德竄于牛渚將軍白士讓生獲之先

是童謠云豆入牛口勢不得久果敗于此前趙載記劉曜知石勒自率大眾已濟河始議增滎陽戍杜黃馬關水經注河水自洛口右逕黃馬坂北謂之黃馬關孫登去楊駿作書與洛中故人處按漢隸體成皋之字多作四下羊因訛爲畢楊震王元賓碑陰書成皋者或作畢或爲畢書傳因而習訛者甚多趙王謂有汜水劉昭引周書王所處實字記汜水有二並在鄭地春秋天王出居汜是南汜在許州襄城縣非此也按此乃四年傳伐鄭取汜祭祭之汜劉昭改爲虛庸偶有作證動成謬解

京

元和志京縣故城在鄭州滎陽縣東南二十一里卽鄭



京城太叔之邑寰宇記京縣有大索亭者今鄭州滎陽

縣所理是也

宋書南平王鑠傳為豫州刺史元嘉二十七年大舉北伐鑠遣中兵參軍胡盛之克

長社遣幢主王陽兒張畧等進据小索偽豫州刺史僕蘭于大索率步騎二千攻陽兒陽兒擊大破之僕蘭奔

虎牢即据大索

密

寰宇記漢卓茂理此今縣東南三里有古密城即漢理所大業十二年移于今理即古法橋堡城晉書閭鼎傳鼎于密縣間鳩集西州流人數千欲還鄉里值京師失守秦王出奔密中司空荀藩之弟司隸校尉組及中領軍華恆河南尹華薈在密縣建立行臺以密近賊南趣

許頴司徒左長史劉疇在密爲塢主荀藩以鼎有才用  
手握強兵假鼎冠軍將軍豫州刺史鼎因西土人思歸  
欲立功鄉里懷翼奉秦王之計曰山東非伯王處不如  
關中河陽令傅暢亦以書勸之遂奉秦王行向長安水  
經注陘山上有鄭祭仲冢冢西有子產墓累石爲方墳  
墳東有廟並東北向鄭城杜元凱言不忘本按晉書杜預傳預遺  
令曰吾往昔爲臺郎嘗公事使過密縣之邢山山上有  
冢問耕夫云是鄭大夫祭仲冢居山頂或云子產冢是  
祭仲與子產只是一冢杜預疑而不能定  
不知鄭氏何以知其相連恐不免傳會

## 新城

通典河南府伊闕縣漢新城縣地元和志伊闕故關在

縣北四十五里何進八關之一水經注河南十二縣境  
簿曰廣成澤在新城縣界黃阜西北流屈而東逕楊志  
塢北同注老倒壩大石山魏文帝當云明帝獵于此山虎超  
乘輿孫禮拔劍投虎山阿有魏明帝高平陵王隱晉書  
曰惠帝使校尉陳繼仲元詣洛陽山請雨總盡除小祀  
惟存大石而祈之七日大雨卽是山伊闕左壁有石銘  
云黃初四年六月二十四日辛巳大出水舉高四丈五  
尺齊此以下蓋記水之漲滅也右壁又有石銘云元康  
五年河南府君循大禹之軌部督郵辛曜新城令王琨  
都監作椽董猗李褒斬岸開石平通伊闕晉志新城有

延壽關趙王倫傳三王起兵討倫檄至大懼遣孫輔李  
嚴率兵七千自延壽關出張泓蔡璜閻和等率九千人  
自堦坂關出元和志堦嶺坂在緱氏縣東南三十七里司馬雅莫原等率八  
千人自成皋關出

### 偃師

通典周武王伐紂迴師息戎遂召偃師水經注洛水東  
逕計素渚中朝時百國貢計所頓故渚得其名按漢隸  
碑省文皆爲偃師劉寬碑陰是也

### 新鄭

元和志函陵在鄭州新鄭縣北十三里魏志曹仁傳袁

平

紹遣別將韓荀鈔斷西道仁擊荀于雞洛山大破之由是紹不敢復分兵出水經注鄆水出新鄭縣鄆城西北雞絡塢下應是此也寰宇記萬歲亭後漢荀或封萬歲亭侯于此

水經秣縣故城王莽之萬歲世猶謂之爲萬歲亭見瓠子河未知荀或所封者孰是

通典故小平城縣在河南府鞏縣西北有津曰小平津水經注平縣俗謂之小平按魏志董卓傳河內太守王匡遣兵屯河陽津將以圖卓卓遣疑兵若將于平陰渡者潛遣銳眾從小平北渡繞擊其後大破之津北死者畧盡是也

又殷珪劫少帝奔處

通鑑建武元年趙固守洛陽劉粲

帥將軍劉雅生等步騎十萬屯小平津固楊言曰要當  
生縛劉粲以贖天子粲表于聰曰子業若死民無所望  
則不爲李矩趙固之用乃害愍帝隆和元年呂護攻洛  
陽桓溫遣庾希及竟陵太守鄧遐帥舟師三千人助陳  
祐守洛陽呂護退守小平津中流矢而卒

宋書索虜傳  
毛德祖遺寶

晃五百人戍小壘王瑜四百人据監倉臣  
孫五百人固小平張季五百人屯牛蘭

補

洛陽通鑑咸和三年後趙王勒自將救洛陽僚佐程

遐等固諫曰劉曜懸軍千里勢不支久大王不宜親動  
動無萬全勒大怒按劍叱遐等出乃赦徐光召而謂之  
曰劉曜乘一戰之勝圍守洛陽庸人之情皆謂其鋒不

可當曜帶甲百萬攻一城而百日不克師老卒怠以我  
初銳擊之可一戰而擒也若洛陽不守曜必送死冀州  
自河以北席卷而來吾事去矣程遐等不欲吾行卿以  
爲何如對曰劉曜乘高候之事勢不能進臨襄國更守  
金墉此其無能爲可知以大王威畧臨之彼必望旗奔  
敗平定天下在今一舉不可失也勒笑曰光言是也命  
石堪石聰及豫州刺史桃豹等各統見眾會滎陽中山  
公虎進據石門勒自統步騎四萬趣金墉濟自大塌勒  
謂徐光曰曜盛兵成臯關上策也阻洛水其次也坐守  
洛陽此成擒耳十二月後趙諸軍集于成臯步卒六萬

騎二萬七千勒見趙無守兵大喜舉手指天復加額曰  
天也卷甲銜枚詭道兼行出于輦訾之間趙王曜專與  
嬖臣飲博不撫士卒左右或諫曜怒以爲妖言斬之攝  
金墉之圍陳于洛西眾十餘萬南北十餘里勒望見燕  
喜謂左右曰可以賀我矣勒帥步騎四萬入洛陽城中  
公虎引步卒三萬自城北而西攻趙中軍石堪石聰等  
各以精騎入千自城西而北擊趙前鋒大戰于西陽門  
勒躬擐甲胄出門自閭闔門夾擊之曜少而嗜酒末年  
尤甚將戰飲酒數斗常乘赤馬無故踣頓乃乘小馬比  
出復飲酒斗餘至西陽門揮陳就平石堪因而乘之趙



兵大潰曜昏醉退走馬陷石渠墜于冰上被瘡十餘通  
中者三爲堪所執勒遂大敗趙兵斬首五萬餘級又宋  
文帝元嘉七年帝有恢復河南之志簡甲卒五萬給右  
將軍到彥之統安北將軍王仲德兗州刺史竺靈秀舟  
師入河又使驍騎將軍段宏將精兵八千直指虎牢豫  
州刺史劉德武將兵一萬繼進彥之自淮入泗水滲日  
行纔十里自四月至秋七月始至須昌乃泝河西上魏  
主以河南四鎮兵少命諸軍悉收眾北渡魏碣磬滑臺  
洛陽虎牢戍兵皆弃城去到彥之留朱修之守滑臺尹  
冲守虎牢建武將軍杜驥守金墉諸軍退屯靈昌津列

守南岸至于潼關於是司充既平諸軍皆喜王仲德獨有憂色曰諸賢不諳情僞必墮其計胡虜凶狡今斂戍北歸必并力完聚若河冰旣合將復南來豈可不以爲憂乎八月魏主遣冠軍將軍安頡督護諸軍擊到彥之彥之遣裨將姚聳夫渡河攻治阪與頡戰聳夫兵敗死者甚眾安頡自委粟津濟河攻金墪金墪不治旣久又無糧食杜驥弃城走進攻虎牢拔之尹沖及滎陽太守清河崔模降魏到彥之聞洛陽虎牢不守諸軍相繼奔敗欲焚舟步走王仲德曰洛陽旣陷虎牢不守自然之勢也今虜去我猶千里

彥之等時保東平

滑臺尙有強兵苦遽

捨舟南走士卒必散當引舟入濟至馬耳谷口更詳所

宜

馬耳谷卽馬耳關

乃引兵自清入濟南至厯城焚舟棄甲步

趨彭城竺靈秀奔須昌南奔湖陸安頡督諸軍攻滑臺  
八年檀道濟督諸軍救滑臺進至濟上與魏三十餘戰  
軍至厯城叔孫建等縱輕騎邀其前後焚燒草穀道濟  
軍乏食不能進由是安頡司馬楚之等得專力攻滑臺  
朱修之堅守數月糧盡魏克滑臺執修之

補

成臯通鑑景平元年魏奚斤公孫表等共攻虎牢魏

主自鄴遣兵助之毛德祖于城內穴地入七丈分爲六  
道出魏圍外募敢死之士四百人使參軍范道基等帥

之從穴中出掩襲其後斬首數百級焚其攻具而還魏兵隨後更合攻之益急叔孫建自滑臺西就奚斤共攻虎牢被圍二百日勁兵戰死殆盡魏人毀其外城毛德祖于其內更築三重城以拒之魏人又毀其二重惟保一城晝夜相拒將士眼皆生創德祖撫之以恩終無離心時檀道濟軍湖陸劉粹軍項城沈叔狸軍高橋皆畏魏兵強不敢進魏人作地道以洩虎牢城中井井深四十丈山勢峻峭不可得防城中人馬渴乏被創者不復出血重以飢疫魏急攻之魏主命將士得德祖者必生致之將軍豆代田執德祖以獻

河內郡

晉志云泰始二年分置汲郡按元和志魏黃初中置朝

歌郡屬冀州晉武帝改爲汲郡

寰宇記同

晉志總序已稱文

帝置七郡朝歌其一則云泰始中置汲郡非也

野王有典農中

郎將魏時河內治野王

懷

元和志懷州武陟縣本漢懷縣地故懷城在縣西十一

里兩漢河內郡並理之水經注河內懷縣有殷城或謂

楚漢之際殷王邛治之非也按竹書紀年云秦師伐鄭

次于懷城殷卽是城也知非從邛始昔劉曜以郭默爲

殷州刺史督緣河諸軍事治此按通鑑永嘉四年漢楚  
王聰始安王曜石勒趙固圍河內太守裴整于懷河內  
人執整以降漢河內督將郭默收整餘眾自爲塢主劉  
琨以默爲河內太守郭默傳劉曜列三屯圍懷欲使餓  
死默送妻子爲質請糴糴畢設守曜怒沈默妻子于河  
又李矩傳郭默爲劉元海所逼乞歸于矩矩使其甥郭  
誦迎之誦潛遣輕舟濟河使勇士夜襲懷城掩賊留營  
大破之默遂率其屬歸于矩此爲通鑑建興二年事又矩傳勒將  
石生屯洛陽大掠河南矩默大飢默因說矩降曜默後  
爲石聰所敗自密南奔建康

此在明帝大寧三年攷郭默始在河

南初未降劉曜後歸李矩則在河南後降劉曜河南已陷于勒殷州又置始後魏其時則名皆沿漢制不知鄭氏所云者何據也

陽

通典河南府河陽古孟津後亦曰富平津在其南謂之

陶河瀦魏尚書僕射杜君畿試船沈沒之所浮橋卽晉

當陽侯杜元凱所立

通鑑秦始九年杜預以孟津渡險請建立河橋于富平津元和志浮

橋架河以船爲腳竹簰互之

水經注河水逕河陽縣故城西縣在治

坂西北魏土地記曰冶坂城舊名漢祖渡城險固南臨

孟津河通鑑永初三年魏主別造黑稍將軍于栗磾將

一千人屯河陽謀取金墉景平元年魏主至盟津于栗  
造浮橋于冶坂津引兵北濟西如河內宋書王鎮惡  
鎮惡弟康保金墉城索虜野阪成主黑殍公卽于栗  
在芒上攻逼交至野阪卽冶坂之訛通典河陽縣北城後魏太和中  
齊使潘樂鎮于此元和志南城在縣西四面臨河卽  
津之地中潭城東魏孝靜帝築之仍置河陽關縣西  
南十三里古遮馬堤卽後魏爾朱榮殺朝士千三百餘  
人于此按此所謂河陽三城也方勺曰黃河西貫于  
二城之間秋水泛溢時南北二城皆有濡足之患惟中  
城屹然如故魏書楊侃傳車駕南還兄顯令蕭衍將陳  
慶之守北中城自據南岸

軹

元和志河南府濟源縣漢軹縣

又云河清縣漢軹縣地按亦爲平陰縣地見上



寰宇記故軹關在濟源縣西十里水經注濟水重源出軹縣西北平地水有二源東源出原城東北俗以濟水重源所發因謂之濟源城西源出原城西又東南逕絺城北而出于溫魏志董卓傳楊章韓暹董承以天子還洛陽出箕關下軹道水經注潑水出垣縣王屋山西通潑溪獻帝東出潑關卽是關鑑永嘉二年王彌渡河與王桑自軹關如平陽永和十二年燕將軍慕容興長卿入軹關攻秦幽州刺史強哲于裴氏堡秦建節將軍鄧羗與長卿戰大破之獲長卿通典高齊拒周使斛律光築關于此縣蓋卽舊關修治

波

水經注渙水東北逕波縣故城北漢高帝封公上不害

爲侯國按史漢表俱作汲汲與波未知孰是史記注正義曰孟康

云漢波縣今郿城是也括地志云故郿城在懷州河內縣西

### 沁水

隋志舊沁水縣後齊廢入濟源濟源是開皇十六年置後齊當廢入軹水

經注沁水南逕石門謂之沁口石門是晉安平獻王孚

爲魏野王典農中郎將所造

### 野王

元和志懷州河內縣本野王縣隋志十六年改太行陁在縣西

北三十里述征記曰太行山首始于河內自河內北至幽州凡有八陁第一曰軹關陁今屬河南府

濟源縣在縣理十一里第二曰太行陁此兩陁今在河

第三白陁太行山在縣北二十五里

內第四淦口陁對鄴西第五井陁第六飛狐陁一名望

都關第七蒲陰陁此三陁在中山第八軍都陁在幽州

太行陁濶三步長四十里晉志河內郡理野王按魏志

張楊爲河內太守欲迎天子還洛將將不聽楊還野王

天子還京楊至洛陽又還野王楊死睦固屯射犬史渙

曹仁擊斬之曹操遂濟河圍射犬據此河內治野王之

射犬城也又通鑑升平五年燕河內太守呂護欲引晉

兵以襲鄴燕太守恪將兵五萬皇甫眞將兵萬人共討

之燕兵至野王護嬰城自守護軍傅顏請急攻之以省

大費恪曰老賊經變多矣觀其守備未易猝攻而多殺  
士卒護內無蓄積外無救援我深溝高壘坐而守之休  
兵養士離間其黨於我不勞而賊勢日蹙不過十旬取  
之必矣乃築長圍守之數月皇甫真戒部將曰護勢窮  
奔突必擇虛隙而投之吾所部士卒多羸器甲不精宜  
深爲之備護食盡果夜悉精銳趨真所部突圍不得出  
太宰恪引兵擊之護眾死傷殆盡弃妻子奔棗陽魏志  
傳何晏等專政其分割洛陽野王典農部桑田數百頃  
又晉書宗室傳太原王輔魏末爲野王太守按原武與  
野王俱未嘗置郡以魏志裴潛傳證之當是  
典農中郎將秩如郡守故亦以太守名之

溫

寰宇記漢溫縣在今孟州溫縣西南三十里李城今縣城是水經注濟水故瀆于溫城西北東南出逕溫城北當王莽之世川瀆枯竭其後水流逕通津渠勢改尋梁脉水不與昔同魏志司馬朗傳關東兵起故冀州刺史李邵家居野王近山險欲徙居溫朗謂邵曰唇齒之喻豈惟虞虢溫與野王卽是也今去彼而居此是爲避朝亾之期耳宣帝紀爲溫縣孝敬里人

晉書成都王穎傳倫將士猗許超旣

戰勝有輕趙驥之心未及溫十餘里復大戰猗等奔潰穎遂過河乘勝長驅

州

元和志懷州武德縣漢爲州縣地形志州縣屬武德郡

寰宇記安昌故城在縣東十三里漢成帝封張禹爲安昌侯卽此地郡國縣道記云武德有故雍城在縣西北三十五里

地形志州縣有雍城

### 平皋

地形志武德郡平皋縣有平皋陂元和志平皋陂在武德縣南二十三里多菱蓮蒲葦百姓資其利周回二十五里寰宇記平皋城在今武德縣西大斛關在縣北一百六里通鑑永和四年石虎死彭城王遵至河內聞喪姚弋仲蒲洪石閔等討梁犢還遇遵于李城共說遵聲震豺之罪鼓行而討之遵從之自李城舉兵還趣鄴

山陽

水經注山陽縣有濁鹿城建安二十五年魏封獻帝爲  
山陽公居濁鹿城長泉水南逕鄧城又謂之白屋水昔  
司馬懿征遼東還繞白屋卽于此按晉書宣帝紀先是  
詔帝便道鎮關中及次白屋有詔召帝三日之間詔書  
五至乃乘追鋒車晝夜兼行自白屋四百餘里一宿而  
至通典漢山陽縣故城在今修武縣西北元和志濁鹿  
故城在今懷州修武縣界東北二十三里按彪云有蔡城水經注引  
此作葵城又引紀年梁惠成元年趙韓伐我葵則蔡城  
爲葵城之訛劉昭傳誤遂以蔡叔之邑注之此裴松之  
所云了無發明直爲塵穢紙墨不合傳  
寫者也舊唐志修武縣漢山陽縣地

武德

水經注沁水于武德縣南水積爲陂通結數湖有朱溝  
水注之漢獻帝延康元年封曹叡爲侯國石勒載記劉  
聰攻河內勒率騎會之攻冠軍將軍梁巨于武德懷帝  
遣兵救之勒留諸將守武德與王桑逆拒刊本誤爲巨字于長  
陵巨請降弗許巨踰城而遁軍人執之勒馳如武德坑  
降卒萬餘數梁巨罪而害之

獲嘉

元和志獲嘉故城在衛州新鄉縣西南十里隋于獲嘉  
汲新羅城中置新鄉縣隋于獲嘉于修武故縣寰宇記高齊天保



七年移獲嘉于衛州其城西此城遂廢魏志于禁與樂進等擊袁紹別營從延津西南沿河至汲獲嘉二縣焚燒保聚三十餘屯斬首獲生各數千水經注清水又東周新樂城城在獲嘉縣故城東北卽汲之新中鄉也按通鑑太和五年燕衛大將軍樂安王臧城新樂破秦兵于石門卽此新樂城也地形志獲嘉縣治新洛城

修武

地理志汲郡北修武縣孝昌中分南修武

此故縣

置治清

陽城劉昫唐書志武德二年李原德以縣東北濁鹿城歸順因置修武縣四年仍移縣治于隋故修武城寰宇

記高齊天保七年自今獲嘉縣移修武縣于西修武故  
城隋初因之此卽地形志之北修武卽今理也水經注修武縣北  
故隤城實中俗謂之皮垣又有一上際山世謂之勅上  
疑卽古攢茅

共

元和志衛州共城縣漢爲共縣寰宇記高齊省移獲嘉  
縣治之隋移獲嘉于修武故城于此又置共城縣郡國  
縣道記云共城縣理西北六十里大山之中有羅門卽  
山峽陁東之所內有南羅中羅北羅三城各相去六七  
里其川南北約二十里東西約十五里四面皆高山可

爲隱遁之所也水經注洪水逕南羅川又厯三羅城重門城在其縣故城西北二十里昔齊王芳爲司馬師廢之宮于此卽魏志所謂送齊王子河內重門者也按石勒載記劉粲率眾四萬寇洛陽勒留輜重于重門率騎二萬會粲于大陽大敗王師于澠池通鑑咸和三年劉曜爲石勒所擒曜見勒曰石王頗憶重門之盟否亦此重門也

汲

元和志衛州汲縣黃河西自新鄉縣界流入經縣七里謂之汲津亦謂之石濟經水經注河水又逕東燕縣故

城北于是有棘津之名亦謂之石濟津故南津也

元和志則

言對岸

宋元嘉中遣輔國將軍蕭斌率寧朔將軍王元謨

北入宣威將軍垣護之以水軍守石濟卽此處通鑑永嘉六年石勒自葛陂北行所過皆堅壁清野虜掠無所獲軍中飢甚至東燕聞汲郡向冰聚眾數千壁枋頭勒將濟河恐冰邀之張賓曰聞冰船盡在瀆中未上宜遣輕兵間道襲取以濟大軍旣濟冰必可擒勒使支雄孔萇自文石津縛筏潛渡取其船勒引兵自棘津濟河擊冰大破之盡得其資儲軍勢復振長驅至鄴

水經注洪水南歷枋

堰卽曹操所堰向冰船在瀆中謂此

寰宇記魏立郡于此按晉書賈充傳

魏時遷汲郡典農中郎將明汲郡之立不始于晉

何曾傳明

帝卽位累遷散騎侍郎汲郡典農中郎將

### 朝歌

元和志衛州衛縣本漢朝歌縣延津在縣西二十六里

魏曹操遣于禁渡河守延津卽此地枋頭故城在縣東

一里

水經注河水自武德縣東至酸棗縣水經注淇水西通謂之延津此亦爲衛州之對岸

南歷枋堰漢建安九年魏武于水口下大枋木以成堰

遏淇水東入白溝以通漕運故號其處爲枋頭自後遂

廢魏熙平中復通之晉書桓溫傳溫北伐慕容暉暉將

慕容垂

載記及通鑑是慕容厲此與李吉甫引皆誤

傳末波等率眾八萬拒

溫戰于林渚溫擊破之遂至枋頭軍糧竭盡焚舟步退

載記石季龍以蒲洪爲流人都督處于枋頭

苻秦載記堅自鄴入

枋頭譙諸父老改枋頭爲永昌縣復之終世

通鑑太元十年龍驤將軍劉牢

之據碭磽救秦長樂公丕于鄴至枋頭鄴中飢甚長樂

公丕率眾就晉穀于枋頭晉書成都王穎傳齊王冏起

義兵穎發兵應冏至朝歌眾二十餘萬趙驤至黃橋爲

倫將士猗許超所敗死者八千餘人士眾震駭穎欲退

保朝歌用盧志王彥策又使趙驤率眾八萬與王彥策

俱進倫復遣孫會劉琨等率三萬人與猗超合兵距驤

等猗旣戰勝有輕驤之心未及溫十餘里復大戰猗等

奔潰潁遂過河乘勝長驅入京都誅趙王倫後與河間  
 王將張方伐京都潁次朝歌每夜矛戟有光若火其壘  
 井中皆有龍象進軍屯河南南富作內阻清水為壘造浮橋  
 以通河北以大木函盛石沈之以繫橋名曰石鼈通鑑永寧  
元年成都王潁前鋒至黃橋為孫會士所敗胡三省曰朝歌西有黃雀溝橋當在溝上

蕩陰

元和志相州蕩陰縣晉屬魏郡寰宇記蕩水在縣治北  
 源出縣西牟山去縣三十五里又相州安陽縣史記秦  
 昭襄王拔魏寧新中邑更名安陽漢初以其地屬蕩陰  
 晉于今理西南三里置安陽縣韓陵山在縣東北十七

里東魏丞相高歡破爾朱兆于此山下水經注蕩水出縣西石尚山廬緄四王起事曰惠帝征成都王穎戰敗時舉輦司馬八人輦猶在肩上軍人競就殺舉輦者乘輿頓地帝傷三矢此則嵇延祖隕命之所通鑑太元八年秦主堅驛書使慕容垂討翟斌垂行至安陽之湯池湯池蓋卽蕩水所潴也廣雅作蕩師古音蕩爲湯水經注徐廣晉紀曰石遵自李城北入斬張豺于安陽魏土地記曰鄴城南四十里有安陽城按晉書荀勗傳于魏時爲安陽令則魏置安陽也

## 林慮

寰宇記相州林慮縣魏屬朝歌郡水經注縣有黃華水



出神囷山黃華谷北崖上山高十七里水在木門帶帶  
卽山之第三級也去地七里懸水東南注壑直瀉岩下  
狀若雞翹故謂之雞翹洪又倉谷水出林慮縣倉谷溪  
北逕偏橋東卽林慮之嶠嶺抱犢固也石磴西陞陟踵  
修上五里餘嶢路中斷四五丈中以木爲偏橋劣得通  
行自上猶須攀蘿捫葛方乃自津山頂卽庾袞墜處也  
按晉書孝友傳庾袞攜其妻子適林慮山林慮之人歸  
之咸曰庾賢及石勒攻林慮父老謀曰此有大頭山九  
州之絕險也乃相與登于大頭山

彪云避煬帝諱改林慮按荀子強國篇在

韓者踰常山乃有臨  
慮林慮蓋本舊稱

河東郡

魏志正始三年分河東之汾北十縣爲平陽郡

晉志平陽郡統

十二縣

元和魏初復置狐讞縣故城在隰州永和縣西南

三十五里地形志言晉分河東置非

按續志河東戶九萬二千五百四十

三魏志杜畿爲河東太守稱河東有三萬戶已耗三之二又趙儼傳爲河東典農中郎將

安邑

寰宇記解州安邑縣中條山在縣南二十里山西連華

嶽東接太行山有路名曰虞坂元和志陝州夏縣本漢

安邑縣地按地形志河北郡有北安邑南安邑二縣此

夏縣卽後魏太和十八年南安邑所改涑州在縣北四

十里

楊

元和志魏置平陽郡楊縣屬晉州洪洞縣本漢楊縣洪洞故城在縣北六里後魏鎮城也姚勗序行記曰周建德五年從行討齊師次洪洞百雉相臨四周重複控據要險城主張元靜率其所部肉袒軍門卽此寰宇記漢楊縣城在洪洞縣東南十八里

平陽

元和志今晉州卽漢河東郡之平陽縣臨汾縣漢平陽縣在平水之陽故曰平陽

隋改爲臨汾

晉書載記太史令宣

于修之言于劉元海曰今都蒲子崎嶇可久安平陽勢  
有有紫氣兼陶唐舊都于是遷都平陽寰宇記河北圖  
經云高粱城在臨汾縣東北三十七里符秦記姚襄率  
眾萬餘攻其平陽太守符產于匈奴堡苻柳救之爲襄  
所敗引還蒲坂襄遂攻堡克之殺符產盡坑其眾通鑑  
永嘉六年劉聰以其濟南王驥爲征西將軍築西平城  
以居之建興元年劉琨遣監軍韓據自河西而南將攻  
西平遣蕩晉將軍蘭陽等助守西平西平城蓋卽匈奴  
堡姚秦載記并州定陽胡叛入平陽攻姚成都于匈奴  
堡通鑑義熙十三年秦匈奴鎮將姚成都及弟和都  
舉鎮  
降魏

臨汾

元和志絳州正平縣本漢臨汾縣地柏壁在縣西南二十里高二丈五尺周回八里又太平縣漢臨汾縣地白波壘在縣東南十二里建安初白波賊師楊奉子奇壘在縣東三十里後秦姚興遣弟義陽公平字子奇與征虜將軍狄伯支等步騎四萬伐魏攻平陽陷之遂据柴壁魏軍大至截汾水以守之平大敗將麾下三十騎赴汾水而死狄伯支等十將四萬人皆爲魏所擒今按此壘西臨汾水壘側尙有柴村子奇投汾分卽此處又慈州昌寧呂香二縣漢臨汾縣地倚梯故城在昌寧縣西一百五十

里累石爲之東北兩面據嶺臨谷西南兩面俯眺黃河  
懸崖絕壁百餘尺其西南角卽龍門之上口城在高嶺  
非倚梯不得上因以爲名

寰宇記按郡國縣道記呂香  
本漢之北屈地或謂之臨汾

地則  
誤矣

### 汾陰

元和志河中府寶鼎縣本漢汾陰縣黃河在縣北十一  
里趙簡子沈佞臣樂激之所又絳州萬泉縣本漢汾陰  
縣地又薛通城考後魏道武天賜元年赫連勃勃之潛號  
侵河外于時有縣人薛通率宗族千餘家西去漢汾陰  
城八十里築城自固因名之武德三年于薛通故城置

萬泉縣

按劉昭引博物記以汾陰爲綸少康邑攷哀元年傳杜預曰梁國有綸虞縣綸虞邑水經注獲

水東逕虞縣故城北古虞國夏少康逃奔有虞者也指或爲河東之汾陰者以封虞仲在大陽與夏之虞國相涉而誤劉昭不之審擇顯與彪志相違樂史記襄宇復沿其誤

蒲阪

元和志河中府河東縣本漢蒲坂縣蒲坂關一名蒲津

關在縣西四里魏志曰公西征與馬超等夾潼關而軍

公急持之而潛遣徐晃朱靈等夜渡蒲坂津據河西爲

營

據魏志原文改正

風陵津在縣南五十里魏太祖西征韓遂

自潼關北渡卽其處通鑑義熙十三年王鎮惡引兵逕

前抵潼關檀道濟沈林子自陝北渡河拔襄邑堡攻秦

并州刺史尹昭于蒲坂不克沈林子謂檀道濟曰蒲坂  
城堅兵多不可猝拔攻之傷眾守之引日王鎮惡在潼  
關勢孤力弱不如與鎮惡合勢并力以爭潼關若得之  
尹昭不攻自潰矣又苻秦載記健盡眾西行遺其弟雄  
率步騎八千入潼關兄子菁自軹關入河東健執菁手  
曰事若不捷汝死河北我死河南亦從蒲津合勢也魏志  
徐晃傳太祖至潼關恐不得渡召問晃晃曰公盛兵于此而賊不復別守蒲坂知其無謀也今假臣精兵渡蒲坂以截其裏

## 大陽

元和志陝州平陸縣本漢大陽縣地下陽故城在縣東



北二十里董卓傳董承楊奉等奉獻帝渡河既到大陽止于民家是也

解

元和志漢解縣城在河中府臨晉縣東南十八里桑泉故城在縣東十三里又虞鄉縣漢解縣地後魏改置南

解縣按地形志北解縣太和十一年置有張楊城又攷

以瑕城卽秦侵晉之瑕按成六年傳郇瑕氏之地必與故絳相近故杜預謂猗氏縣東北瑕城文十二年傳秦侵晉及瑕十三年傳晉侯使詹嘉處瑕以守桃林之塞計秦侵晉不應便能及河內之瑕則別是一邑使詹嘉處之者也顧氏炎武亦云瑕必在河外元和志云桃林塞自陝州靈寶縣以西至潼關皆是杜預謂賜瑕邑令帥眾守桃林與文謂處瑕者不合劉昭承其說非也寰宇記自縣東南踰中條山出自陘趣陝州之道也山嶺

參天左石壁立間不容軌謂之石門路出其中名曰白陁嶺

### 皮氏

地形志龍門縣故皮氏元和志絳州龍門縣因龍門山爲名黃河北去縣二十五里卽龍門口通鑑太元二十一年西燕旣亡其所署河東太守柳恭等各擁兵自守秦主興遣晉王緒攻之恭等臨河拒守緒不得濟初永嘉之亂汾陰薛氏聚其族黨阻河自固不仕劉石及苻氏興以禮聘薛彊拜鎮東將軍彊引秦兵自龍門濟遂入蒲坂恭等皆降

### 聞喜

寰宇記漢聞喜縣在今縣西南八里桐鄉城是後漢廢  
左邑縣移聞喜縣理之龍頭壁後周絳州及止平郡所  
理通典高候原在絳州聞喜縣北卽劉曜破石季龍處  
按通鑑咸和四年劉曜自將救蒲坂自衛關北濟追虎  
及于高候與虎戰大破之斬石膽枕尸二百餘里元和志云  
候原在安邑縣北原三十里原南坂口卽古鳴條又絳縣稷山縣漢聞喜縣地  
稷山縣西南十二里王思政所築玉壁城爲周氏重鎮  
齊神武再攻圍皆不克

絳

元和志絳州曲沃縣本晉舊都絳縣地又漢絳縣本春

秋晉都新田在縣南二里又翼城縣本漢絳縣地故翼城在縣東南十五里晉絳故都也陘庭故城在曲沃縣西北二十里通鑑建興四年趙固與河內太守郭默侵漢河東至絳司隸部民奔之者三萬餘人

### 永安

州郡志後屬平陽郡地形志永安縣治仇池壁元和志

晉州霍邑縣本漢永安縣

隋改爲霍邑

呂坂在縣西南十里

有呂鄉晉大夫呂甥邑又趙城汾西二縣皆永安縣地

通鑑元興元年魏主珪至永安秦義陽公平遣驍將帥

精騎二百覘魏軍長孫肥逆擊盡擒之平退走珪追之

及于柴壁平嬰城固守魏軍圍之秦主興將兵四萬七

千救之將據天渡運糧以饋平珪命增築重圍內以防平之出外以拒興之入廣武將軍安同曰汾東有蒙阮東西三百餘里蹊徑不通興來必從汾西直臨柴壁如此虜聲勢相接重圍雖固不能制也不如爲浮梁渡汾西築圍以拒之虜至無所施其智力矣珪從之興屯汾西舉烽攻譟爲應興欲平力戰突免平望興攻圍引接但叫呼相和莫敢逼圍平不得出

河北

元和志河中府永樂縣河北縣地又陝州芮城縣本河北縣地秦宇記姚秦于此置河北郡按通鑑義熙十二

年并州牧姚懿散穀以賜河北夷夏欲樹私恩十三年  
檀道濟沈林子自陝北渡河拔襄邑堡秦河北太守薛  
帛奔河東秦魯公紹遣長史姚洽將軍安鸞護軍姚墨  
蠡屯河北之九原阻河爲固欲以絕檀道濟  
糧援沈林子邀擊  
破之殺獲殆盡

猗氏

元和志河中府猗氏縣故郇邑在縣西南四里寰宇記  
令狐城在縣西十五里刳首在令狐西三十里

垣

元和志河南府王屋縣漢爲垣縣地齊子嶺在縣東十  
二里陝州垣縣本屬絳州貞元三年割屬陝州垣城在

縣西二十里寰宇記元和三年又歸絳州古皋落城在  
縣西六北六十里一名倚箔城通典云西魏于此置邵郡以備東魏按地形志  
孝昌中改復邵郡領白水清廉等縣皆卽垣縣地

襄陵

寰宇記漢襄陵縣城在晉州臨汾縣東南二十五里元  
和志晉州神山縣本漢襄陵縣地通典後魏禽赫連昌  
又分此縣置禽昌縣通鑑太元十一年西燕慕容永遣使詣秦主丕求假道東歸丕弗許  
與永戰于襄陵秦兵大敗左丞相王  
永大將俱石子皆死丕南奔東南

北屈

地形志平陽郡禽昌縣卽漢郡之北屈有乾城姚興載

記姚平攻魏乾城陷之通鑑作乾壁元和志慈州吉昌縣漢北屈縣地姚襄城在縣西五十二里本姚襄所築其城西臨黃河控帶龍門孟門之險按通鑑永和十二年姚襄爲桓溫所敗奔平陽秦并州刺史尹者復以眾降襄襄遂據襄陵升平元年將圖關中夏四月自北屈進屯杏城是也又文城忤城二縣隰州大寧縣皆北屈縣地

### 蒲子

元和志蒲子縣魏屬平陽郡通典隰州隰川蒲二縣皆漢蒲子縣水經注蒲川水出石樓山南逕蒲城東卽重



耳所奔之處又初學記引水經注云黃櫨水出隰川縣

東北黃櫨谷

通鑑永嘉二年劉惔徙都蒲子詔平北將軍曹武屯大陽以備蒲子

護澤

通典澤州陽城縣漢曰護澤縣元和志護澤在縣西北

十二里墨子曰舜漁于護澤

彪云有祁城山者是析城山之訛

端氏

通典漢端氏縣故城在今澤州端氏縣北元和志石門

山在縣西南四十一里

弘農郡

魏志衛覲傳建安中司隸校尉治弘農賈逵傳達領弘

農太守疑屯田都尉亡民都尉自以不屬郡言語不順  
遂怒收之按此則弘農有農官又杜畿傳孟康爲弘農  
太守領典農校尉復知農官或別授或郡長兼也

### 弘農

元和志驍州弘農縣本漢舊縣大業三年移郡于鴻臚  
川縣亦隨徙卽今縣是又陝州靈寶縣本弘農縣地水  
經注門水厯陽華之山又東北厯峽謂之鴻關水水西  
有堡謂之鴻關堡按上洛有鴻臚園池是水津渠沿注  
故謂斯川爲鴻臚澗又云燭水之側有方伯堆宋奮武  
將軍魯方平等與建威將軍柳元景北入軍次方伯堆

堆上有城卽方平所築按宋書柳元景傳龐法起諸軍  
進次方伯堆去弘農城五里

陝

元和志陝州陝縣本漢縣大陽橋長七十六丈廣二丈  
架黃河爲之在縣東北三里貞觀十一年太宗東巡遣  
武侯將軍丘行恭營造又硤石縣本陝縣地底柱山俗  
名三門山在縣東北五十里黃河中水經注昔周召分  
伯以此城爲東西之別東城卽虢邑之上陽虢仲之所  
都爲南虢三虢此其一焉按左傳正義曰鄭滅一虢晉  
滅一虢不知誰是仲後誰是叔後賈逵虢云虢仲封東

虢制是也虢叔封西虢虢公是也

此則賈逵本隱元年當是作虢仲馬

融云虢叔同母弟虢仲異母弟虢仲封下陽虢叔封上

陽按此誤以僖五年傳宮之奇言虢仲虢叔爲一處遂以上陽下陽當之按傳上陽下陽

同是虢國之邑不得分封二人也元和志北虢今陝州

平陸縣東虢今鄭州滎陽縣西虢今鳳翔府扶風縣也

愚考史記秦本紀武公十一年滅小虢則是扶風之西

虢也

鼃池

元和志鼃池縣屬河南府大塢故城在縣北十五里後魏武帝入關使行臺楊騰出關安撫騰因舊城置大塢

鎮寰宇記周地圖記曰魏賈逵爲令時縣理蠡城按郡國縣道記云漢澠池城當與澠池水源南北相對曹魏移于今福昌縣西六十五里蠡城按魏志賈逵傳除澠池令高軒反張琰將舉兵應之時縣寄治蠡城城塹水經注本中鄉地漢景不固曰寄治似後當復故治也帝中二年初城徙萬戶爲縣因峭黿之池以目縣穀水東逕秦趙二城南世謂之俱利城又洛水過蠡城邑之南故黿池縣治南對金門塢水南五里舊宜陽縣治也按通鑑義熙十三年王鎮惡進軍澠池遣毛祖德襲尹雅于蠡吾城禽之卽此蠡城通鑑與載記皆誤衍一吾字又河南府永寧縣漢澠池縣之西境通典二峭山在

今縣西北又有回谿卽馮異敗處在今縣東北俗名回坑長四里濶二丈深二丈五尺自漢以前春秋時道皆由此縣水經注云漢建安間曹公西討巴漢惡南路之險更開北道自後行旅率多從之附側路有石銘云晉太康三年弘農太守梁柳修復舊路括地志按文王所避風雨卽東垣山也俗亦號爲文王山有夏后皋墓北可十里許其山南臨河陰漢末以來移道更于岑嶺山南其山在夏后墓正南可五里公更開北道卽復春秋時路後周之初更復南隋煬帝大業三年廢武德初又通此道貞觀十四年又廢其道西入縣界又東分爲二

道東南入福昌縣界北道入澠池縣界

後周置黃檀同軌永昌三城以

備齊魏志龐德傳張白騎叛于弘農德隨馬騰征之破白

騎于兩峭間

熊耳山在縣東北四十五里按禹貢導洛自熊耳在商州上洛縣界與此別

新安

元和志河南府新安縣晉改屬河南郡縣城本名通洛城周武帝將東討令陝州總管尉遲綱築此城以臨齊境水經注澗水歷函谷東坂東謂八特坂按通鑑太寧三年劉曜前軍將軍劉黑擊石聰于八特阪大破之又白超壘在缺門東十五里壘側舊有塢故治官所在魏晉之日引穀水爲水冶以經國用遺跡尙存按魏志韓

暨傳徙監治謁者舊時治作馬排更作人排大費功力  
暨乃引長流爲水排計其利益倍三千昔卽酈氏所云  
水治也

### 宜陽

通典河南府福昌縣後漢宜陽縣縣城卽魏之一金塢  
城東南北三面峭絕天險後周重兵于此以備高齊晉  
書魏舒傳遷宜陽太守按魏時未有宜陽郡亦當爲典  
農所治水經注宜陽故郡舊陽市邑故洛陽都典農治  
此後改爲郡洛水東逕一合塢南城在川北原上高二  
十丈南北東三箱天險峭絕惟築西面卽爲固一合之



名起于是矣劉曜之將攻河南也晉將軍魏該奔于此

按晉書魏該傳時杜預子尹爲宏農太守屯宜陽界一

泉塢

魏志杜恕傳注恕去京師營宜陽一泉塢因其壘塹之固小大家焉杜尹卽恕孫

通鑑太

和四年燕慕容垂奔秦一泉戍主吳歸追及于閿鄉世

子令擊之而退所稱不同當以酈氏一合之名爲正元

和志河南府壽安縣本漢宜陽縣地八關故城在縣東

北三十里通典壽安縣有九曲城高齊置孔城防以備

周按晉書趙王倫傳孫秀懼西軍至召倫子虔還是日

宿九曲

魏志高柔傳宜陽典農劉龜又攷魏咸熙元年罷屯田官以均政役諸典皆爲太守都尉皆爲

令長則魏舒爲宜陽太守或本宜陽典農也

陸渾

元和志河南府陸渾縣伏流城卽今縣理城東魏武定二年所築以城北焦澗水伏流地下西有伏流坂因以爲名水經注劉澄之永初記稱陸渾縣西有伏流坂者也今山在縣南岸口北三十里許西則非也禪渚在原上陂方十里佳饒魚葦卽山海經所謂南望禪渚禹父之所化也

通鑑建安二十四年陸渾民孫狼等作亂殺縣主簿南附關羽羽授狼印給兵還爲寇賊

自許以南往往遙應羽羽威震華夏

盧氏

通典河南府長水縣漢盧氏縣地土刻在縣西北二十

五里蓋古關之塞垣後周以爲鎮防元和志號州盧氏縣熊耳山在縣南五十里禹貢道洛于此又玉城朱陽二縣漢盧氏縣地水經注洛水東逕高門城南按宋書柳元景傳外兵參軍龐季明年已七十三秦之冠族羗人多附之求入長安招懷關陝乃自貲谷入盧氏盧氏人趙難納之龐法起率魯方平薛安都諸軍前入自修陽亭出熊耳山季明進達高門木城值永昌王入弘農季明乃還陸氏據險自固招盧氏少年進入宜陽苟公谷以扇動義心閏月法起安都方平諸軍入盧氏斬縣令李封元景以軍食不足難可曠日相持乃束馬懸車

湖

引軍上百文崖出溫谷以入盧氏

寰宇記十州記盧氏有朱陽山因別立縣

通典虢州湖城縣故曰胡漢武更爲胡縣元和志至宋  
乃加城字湖縣故城在縣西南二里又閬鄉縣本漢湖  
縣鄉名隋移湖城縣于今所改名閬鄉寰宇記湖城縣  
隋廢唐于上陽宮東南一里再立水經注郭緣生記曰  
漢末之亂魏武征韓遂馬超連兵此地今際河之西有  
曹公壘道東原上云李典營義熙十三年王師曾據此  
壘西征記曰沿路逶迤入函道六里有舊城城周百餘  
步北臨大河南對高山姚氏置關以守峽宋武帝入長

安檀道濟王鎮惡或據山爲營或平地結壘爲大小七  
營濱帶河險姚氏亦保據山原陵阜之上尙傳故跡矣  
元和志在縣西二十五里關之直北隔河有層阜巍然獨秀孤峙河  
陽世謂之風陵戴延之所謂風塹者也南則河濱姚氏  
之營與晉對岸按宋書柳元景傳虜蒲城鎮遣僞帥何  
難于風陵堆列三營以擬龐法起法起長驅入關行王  
檀故壘何難率眾欲濟河以截軍後法起臨河縱兵射  
之賊退散又云柳元景進弘農入湖關口虜蒲陂戍主  
杜道率眾二萬至閼鄉水去湖關一百二十里按水經  
注河東河北縣與湖縣分河

華陰

元和志華州華陰縣永豐倉在縣東北三十五里渭河  
口隋置天寶二年左常侍兼陝州刺史韋堅開漕河自  
苑西引渭水因古渠至華陰入渭運永豐倉及三門倉  
米以給京師名曰廣運潭以堅爲天下轉運使天寶中  
歲運米二百五十萬石入關載記姚紹率武衛姚鸞等  
步騎五萬距王師于潼關檀道濟率王敬先沈林子等  
逆衝紹軍將士驚還散引還定城水經注渭水東逕定  
城北述征記曰定城去潼關三十里夾道各一城通鑑  
太元十七年秦主登以竇衝爲丞相衝徙屯華陰十八

年衝自稱秦王秦主登攻衝于野人堡水經注河水東  
過華陰縣北洛水入焉闕駟以爲漆沮之水通鑑義熙  
十四年長安百姓逐朱齡石奔潼關龍驤將軍王  
敬先戍曹公壘齡石往從之朱超石至蒲阪間齡石所  
在亦往從之赫連昌攻敬先壘斷其水道眾渴不能戰  
城陷魏志注曹瞞傳時軍每渡渭輒爲超騎所衝突營  
不得立地又多沙不可築壘婁子伯說曰今天寒  
可起沙爲城以水灌之可一夜而成乃多作練囊  
以運水夜渡兵作城比明城立由是軍盡得渡渭

### 京兆尹

晉志魏文帝改京兆尹爲太守馮翊扶風各除左右又  
云泰始二年分京兆南部置上洛郡按魏志建安十一

年高幹欲南奔荊州上洛都尉捕斬之是上洛已置都尉後遂改都尉爲太守也又安帝永初四年置京兆虎牙都尉西羌傳云虎牙都尉居長安

魏志正始五年秦王詢薨復秦國爲

京兆郡

## 長安

元和志長安故城在京兆府長安縣西十三里細柳營在縣東北三十里相傳云周亞父夫屯軍處今按亞夫所屯在咸陽縣西南二十里言在此非也寰宇記賈耽郡國縣道記云長安縣故城今謂之苑城漢京兆府在故城內上冠里

卽霍光迎宣帝之尙冠里

其縣理今失其所在長安



蓋古鄉聚名在渭水南隔渭水北對秦咸陽宮又周地圖記曰後周明帝二年分長安霸城及姚興所置山北三縣地始于長安城中置萬年縣理八角街已東隋開皇三年遷都于龍首川改萬年爲大興唐改爲萬年長安志白鹿原在萬年東南二十里南陵縣故城在原上少陵原在萬年縣南四十里卽漢鴻固原也關中記曰宣帝以倡優雜伎千人樂思后園今所千人鄉者是按前志京兆有奉明縣宣帝所置故城當亦在此又秦都咸陽高帝七年罷入長安元鼎三年更曰渭城縣屬右扶風後漢省入長安按秦咸陽在今咸陽縣東二十里故城是也漢渭城縣亦

治于此水經注董卓入關焚渭橋魏武更修之橋廣三丈六尺沔水枝津東入逍遙園注藕池有臺觀蓮荷被蒲秀實可玩按通鑑義熙十三年姚泓使姚丕守渭橋胡翼度屯石積東平公讚屯霸東泓屯逍遙園是也元和志子午關在縣南百里晉桓溫伐秦命司馬勲出子午道按通鑑永和十年秦丞相雄率騎七千襲司馬勲于子午谷勲退屯女媧堡

### 霸陵

地形志晉改爲霸城按魏志注魏畧云銅人重不可致留于霸城則魏已改蓋陵是當代所奉易姓則革魏收寡學只據太康地志耳長安志霸陵縣故城在萬年縣

東北二十五里郡國志曰在通化門東二十里

寰宇記三十里

秦襄王葬于其阪謂之霸上文帝後葬其地謂之霸陵

縣東南至文帝陵十里按通鑑建興三年六月盜發漢

霸陵杜陵及薄太后陵得金帛甚多詔收其餘以實內

府元和志霸橋隋開皇三年造唐隆二年仍在舊所創

制爲南北二橋

按溫王重茂唐隆元年止六月其七月己巳則睿宗之景雲元年未審何以有

二年

杜陵

長安志杜陵故城在萬年縣東南十五里漢宣帝以杜

東原上爲初陵置縣曰杜陵而改杜縣爲下杜城其城

周三里一百七十三步寰宇記在長安縣安仙門南七里水經注狗枷川水西北厯風涼原東北逕宣帝許后陵東北去杜陵十里斯川于是有狗枷之名川東亦曰白鹿原上有狗枷堡杜陵北去長安五十里州郡志魏改曰杜通鑑太元十六年秦主登渡渭水攻京兆太守韋範于殷氏堡不克進據曲犂

胡三省曰曲犂在杜陵縣東北

王莽傳

子午道從杜陵直絕南山徑漢中按蜀志魏延傳注延請于丞相亮假精兵五千負糧五千直循褒中出循秦嶺而東當子午而北不過十日可到長安魏志曹真西討從子午道南入鍾會傳會統十餘萬眾分從斜谷駱

谷人魏興太守劉欽趨子午谷此皆舊道其後則梁將  
王神念所開

鄭

元和志華州鄭縣後魏置東雍州其縣移在州西七里  
古鄭城在縣理西北三里寰宇記華州東北驛路南石  
橋東有沈陽城按此城與故武城二縣並後漢省是馮  
翊屬縣據三輔地界言之皆合在渭水之北同州及高  
陵涇陽之北界蓋因後漢安順間西羌擾亂關中民移  
于渭水南鄭縣界權借壁壘以居年代綿遠因而稱爲  
漢縣苻秦載記杜洪遣其將張先要健于潼關健逆擊

破之健遂進軍次赤水遣苻雄畧地渭北地形志鄭縣有赤城水經注渭水東逕巒都城北故蕃邑世本曰契居蕃闕駟曰蕃在鄭西然則今巒城是矣俗名之赤城水曰赤水苻健入秦據此城以抗杜洪渭水又東西石橋水南出馬嶺山積石據其東麗山距其西源泉上通懸流數十其水北逕鄭城西渭水又東與東石橋水會故沈水南出馬嶺山述征記曰鄭城東西十四里各有石梁者也隸釋穀阮君神祠在鄭縣自晉魏以來謂之五部神廟地形志鄭縣有廣鄉原通鑑太元十五年馮翊人郭質起兵于廣鄉以應秦是也

新豐

寰宇記雍州昭應縣卽漢新豐縣地今縣東十八里故

城是也

長安志大中祥符八年改爲臨潼

後漢靈帝末移安定郡陰盤

寄理于此今亦謂陰盤城其新豐縣自陰盤縣寄理之

後又移理于三十里蓋在零水側天寶四年改新豐爲

會昌七載改爲昭應長安志慶山在臨潼縣東南三十

五里唐垂拱二年涌出溫湯在縣南一百五十步陰盤

城在縣東北十四里按苻秦載記苻雄畧地渭北敗張

先于陰槃擒之地形志京兆郡陰槃縣有鴻門亭戲水

此卽漢末寄治之陰槃也又元和志京兆府渭南縣本

藍田

秦新豐縣地苻秦時置晉書藝術傳王嘉隱于倒獸山  
苻堅累徵不起寰宇記在渭南縣東南五十里水經注  
成國故渠魏尚書左僕射衛臻征蜀所開今無水按魏  
志衛臻傳諸葛亮寇天水臻奏宜遣奇兵入散關絕其  
糧道乃以臻爲征蜀將軍將軍疑當爲護軍到長安亮退還復  
職陳壽不載開渠事苻登載記登遣寶衝率眾爲先驅  
據新豐之千戶固彪志新豐有嚴城錢大昭曰當  
作撤劉聖公傳續志新豐有撤城李松拒赤眉處

地形志京兆藍田縣有白鹿原元和志京兆府藍田縣  
理城卽嶢柳城長安志藍田關在縣東南九十八里卽



秦嶢關也

通典秦嶺在此界

後周武成元年徙青泥故城側改

曰青泥關大業元年徙復今所卽今關是水經注湫水

西逕嶢關北歷嶢柳城東西有二城魏置青泥軍于城

內亦謂之青塋城土地記曰藍田縣南有嶢關地名嶢

柳道荊州晉地道記曰關當上洛縣西北晉書桓溫傳

溫征關中別軍攻上洛獲苻健荊州刺史郭敬進擊青

泥破之健遣子生弟雄眾數萬屯嶢柳愁思塢以拒溫

生親自陷陣殺傷千數溫軍力戰生眾乃散雄與將軍

桓沖戰白鹿原又爲沖所破溫進至霸上據晉書青泥

嶢柳自有兩城長安志青泥城在縣南七里則青泥與

峽柳城別甚明宋敏求因酈氏峽柳亦謂之青泥城而疑之此未審史傳也

## 長陵

寰宇記長陵縣故城在今咸陽縣東北四十里長陵在

縣東三十里苻堅時于今縣東北長陵城置咸陽郡

元和

志畢原卽咸陽縣所理原南北數十里東西二三百無山川陂湖井深五十丈亦謂之畢陌漢氏諸陵並在其上縣卽秦之杜郵武德二年寄理鮑橋三年移就白起

堡長安志皇甫謐曰長陵山東西廣一百二十步高十

三丈在渭水北去長安城三十五里關中記曰長陵城有南北西三面東面無城陪葬者皆在東徙關東大族

萬家以爲陵邑長陵令秩祿千石諸陵皆六百石

按百官志

皆六百石

商

通典商州豐陽縣漢商縣地衛缺封在此又商洛縣古商邑其於中蓋今南陽界所謂商於也亦漢商縣地寰宇記武關在商州商洛縣東南九十里通鑑永和九年秦遣平昌菁略定上洛置荊州于豐陽川又太元五年秦移洛州刺史治豐陽按寰宇記云晉太始三年分商縣置豐陽縣因豐陽川以爲名晉志失載故樂史以爲尋廢蓋未審也

上雒

通典商州上洛縣漢舊縣王莽命明威侯王級曰繞雷之固南當荆楚繞雷者言四面塞阨屈曲水回繞而雷卽今七盤十二緝寰宇記商州洛南縣本上洛縣地晉太始三年分上洛地于今縣東北八十里置拒陽縣隋改拒陽爲洛南也姚秦載記劉裕使沈田子及傅弘之率眾萬餘人入上洛所在多委城鎮奔長安田子等進及青泥劉裕次陝城遣沈林子率精兵萬餘越山開道會沈田子等于青泥將攻嶢柳泓使姚裕率步騎八千拒之泓躬將大眾繼發裕爲田子所敗泓退次于灊上

按通鑑云田子本爲疑兵所領裁千餘人今以載記及宋傳沮之傳攷之知通鑑猶承宋書敘之妄彼只欲誇大田子之功所領裁數百焉有分兵別將異道制勝而僅將數百人是置諸死地也沈約曲筆不顧情事通鑑號爲精密云何爲其所欺且桓溫之入關中至霸上固由上洛而入潼關之師出其前商洛之兵制其後出師正道豈爲疑兵乎

通鑑義熙十三年夏王勃勃聞太尉裕東遷大喜問于王買德曰朕欲取關中卿試言其方略買德曰關中形勝之地而裕以幼子守之狼狽而歸遂欲急成篡事耳不暇復以中原爲意此天以關中賜我青泥上洛南北之險要宜先遣游軍斷之東塞潼關絕其水陸之路然後轉檄三輔施以威德則義真在網罟之中矣勃勃乃以其子昌屯潼關以買德屯青泥十四年進

據咸陽義真將士大掠而東赫連瑱率眾三萬追義真  
傅弘之蒯恩斷後至青泥晉兵大敗弘之恩皆爲王買  
德所擒

### 陽陵

元和志陽陵在咸陽縣東四十里寰宇記廢城在縣東  
北四十一里東至景帝陵二里曹魏省之長安志帝王  
世紀曰陽陵山方一百二十步高四十丈

補下邳元和志華州下邳縣本秦舊縣董卓遷都長安  
華歆求出爲下邳令自漢及晉不改寰宇記廢下邳縣  
城在縣東南三十五里據劉昭注引黃圖桓帝西巡復

後漢書疏證卷十三  
下邳縣而隸續劉寬碑陰京兆門生二十八人係籍下  
邳者六人彪志雖以順帝時郡縣爲斷然于此等近縣  
灼然昭著者全不採錄直爲據牘抄寫了無攷證也

後漢書疏證卷十三